

32
F. N. F.

DISPUTATIO MEDICA

DE

SUCCI NUTRITII

Statu Naturali & Præternaturali,

QUAM

Volente DEO

IN ILLUSTRIS ACADEMIA MARBURGENSI

Sub PRÆSIDIO

DN. JOH. DANIELIS
DORSTENII,

MEDIC. DOCT. EJUSDEMQUE. PROF.

ORDINARIUM, NEC NON P. T. DECANI,

Fautoris sui multis nominibus colendi,

Publico Philiatricorum Examini

Subjicit

AUCTOR & RESPONDENS,

JOH. WILHELMUS OTTO
EGGERS,

WIDENB. WESTPHALUS.

D. 17. Febr. H. L. C.

MARPURGI CATTORUM,

Typis JOHANNIS JODOCI KÜRSNERI, Acad. Typogr.

ANNO MDC LXXXIII.

24

DR. J. M. W. W. W. W. W.

THE NEW YORK

AND THE NEW YORK

AND THE NEW YORK

AND THE NEW YORK

THE NEW YORK

AND THE NEW YORK

AND THE NEW YORK

AND THE NEW YORK

AND THE NEW YORK

THE NEW YORK

AND THE NEW YORK

AND THE NEW YORK

AND THE NEW YORK

AND THE NEW YORK



7. N. 7.

PRÆLOQUIUM.



Uod Poëtis Cornu copiae
aut Pandoræ pyxis , hoc
ipsum œconomiae animal
est sanguis , qui tam be-
nignum & largum in illa
se se gerit, ut ex ejus sinu
velut è Cornu Copiae ,
omne, quid integritatis, roboris ac vitæ habeat,
partibus humani corporis statuam compo-
nentibus suppeditetur, dum nimirum ex sex-
centis partibus conflatus, cuilibet visceri per
certa fermenta & spirituosos succos suam afflat
activitatem & energiam, quâ mediante illam
à natura sibi concessam perficit & absolvit
functionem : quinimò si hac ratione aliis inter-
viendo ipse non rarò consumatur & viribus

orbetur sui ipsius quasi memor, tam beneficus
 rursus est, ut se ipsum intra cordis thalamos
 restaurare, reficere ac conficere valeat.
 Quodsi verò pretiosus hic vitæ thesaurus in
 vasis suis cumuletur nimis luxurietvè vel dis-
 crasiam quandam aut malignitatem induat, vi-
 rulentum profectò ex balsamo tali vitæ pro-
 dit toxicum, ex quo funestissima quæque
 mala, quasi Pandoræ pyxis aperiretur, per uni-
 versam œconomiam animale diffunduntur,
 minitantia ipsi interitum ac ruinam; quod ipsū
 partes humani corporis nutriendi satis superq;
 etiam evinciunt, qui à sanguine generoso lau-
 dabili, à corrupto verò & depravato per-
 verso etiam ac crudo donantur nutrimentō.
 Quo propositum meum jam etiam respicit,
 dum nutritionis & augmentationis negotiū
 tam in statu naturali quam præternaturali bre-
 vioribus thesibus describere conor. Supre-
 mum Numen Conatui huic annuat
 elementissimè.



THESIS I.

Cibus in ore atque ventriculo in massam chylosam conversus per ductus chylicos mesenterii, & thoracis devehitur ad venam axillarem sinistram, & cum sanguine per venas refluens, præviâ rarefactione in cordis ventriculis, nec non transitu per pulmonum con-
camerationes, in sanguinem mutatus, ex sinistro cordis ventriculo in arteriam magnam irrumpit, per totius corporis ambitum distribuitur, ac demum rursus ad cor redit, qui sanguinis motus aliâs dicitur circulatio.

THESIS II.

Non tamen videtur omnem chylum unico illo per cor transitu in sanguinem mutari, sed sanguificationem inter circulandum multum adhuc exaltari plurimasve chyli partes in sanguine è corde emissæ adhuc reperiri, quod vel ex eo liquet, dum sanguis una vel altera hora à prandio per venæ sectionem extractus copiosum chylum sive lac, in superficie ostendit, quod serosius ac tenuius multò solet esse, si post elapsas quinque vel sex horas à prandio idem tentare annitaris: sic facit *Excellentissimus* Dn. D. *Waldschmied* in suis institutionibus mentionem liquoris cujusdam, quò sanguis ita præcipitari potest, ut oculis sese exhibeat lac copiosissimum.

THESIS III.

Quem sanguinis & Chyli in orbem itum ac reditum potissimum promovet cordis arteriarumve pulsus, quando nimirum, in systole cordis, mucrone basin versus contracto, ventriculi intumescunt atq; sanguis à fibrarum renixu & pressione è dextro ventriculo in pulmones atq; è sinistro in aortam propellitur; in diastole verò mucro remittens ac rursus propendens, sanguini per venam cavam & venam pulmonalem in cordis ventriculo recens adducto, introitum rursus concedit; quod, quoties fit, cor pulsatur: Et cum arteriæ propter continuitatem fibrarum cordi adhæreant, simili motu concutiuntur, ut pulsus aliud nihil sit, quam repetitæ cordis & arteriarum distensiones.

THESIS IV.

Arteriæ verò ex angusto ad angustum terminatæ, in ista distensione vim quandam patiuntur, atque per tunicarum, quas anatomia duplices esse docet, intumescuntiam earundem pori admodum dilatantur & ampliores efficiuntur, quo fit, ut patula transcendendi via concedatur partibus sanguinis chylosis, spirituosis, aquosis salinis, butyrosis, caseosis &c. verbo lacteis, quæ propter continuitatem, quam cum arteriis habent in tubulos partium nutriendarum effusæ, succus nutritius appellantur, atq; nutritionis & augmentationis opus absolvunt,
non-

non solum in regno animali, verum etiam in minerali & vegetabili, ubi quam plurima fossilia & herbas succos lactescentes fundere, experientia quotidiana constat, hinc ortum est titulum illud de Esula,

Esula lactescit, sine lacte linaria crescit.

Qua de re si plura quis desideret in memoriam revocet illa quae de succo nutritio rerum nutriendarum praefatus Vir *Excellentissimus Dn. D. Baldschmied* commemoravit, cum solennibus ritibus Medicinae Doctores crearet.

THESIS V.

Est itaque humor nutriens & alimentum verum lac partium flexibilitate & mollitie gaudens, quod ratione figurae, situs, motus & magnitudinis particularum varietate gaudens, variis etiam machinae humani corporis partibus nutriendis par est & sufficiens, dum est tubulis partium solidarum exceptum, illas pro nutritione a tergo relinquit particulas, quae proportionem ac similitudinem quandam inveniunt in fibrarum superficiebus, istae sensim sensimque juxta se invicem quiescendo apponuntur partibus, eas nutriunt atque augent, est enim quies tam potens gluten, quo nullum excogitari potest tenacius.

THESIS VI.

Quo ipso facile dixerim, non omnem illum chylum sive lac a sanguine recedens & per arteriarum poros

ros pulsum, statim nutrire, sed duplicis generis particulas, præ aliis potissimum à nutritione facere divortium; priores sunt, quæ præ aliis commotiores sunt & volatiliores existunt, certum enim est sanguinis vitam in perenni quâdam, eâq; blandâ, positam esse fermentatione, ad hanc verò conservandam partium vehementius aliquantò exagitarum sive spirituosarum requiritur affluxus & activitas, utpote sine quibus fermentationes, quæ à particularum minimarum commotione vigorem nanciscuntur, nunquam subsistunt, adeoq; cum sanguis, quamdiu vivit, fermentatione hac vitali semper gaudeat. Facilius nihil est, quam ut multæ spirituosæ una cum aliis simul per dictos arteriarum poros transudent, atque cæteris succi nutritii partibus sese associant, earumque motum accelerent, quæ tamen ratione agilitatis & mobilitatis suæ diu, ubi versantur, moram non trahunt, sed celeriori pede fugam arripiendo per insensibilem illam transpirationem evadunt & tenues evanescunt in auras.

THESIS VII.

NAM reverâ corpus nostrum porosissimum est, & valdè transpirabile, patulas undiquaque humoribus exagitatis præbens vias, cuius rei *Sanctorius* in medicina sua statica evidens est testis, aut si vulgare cuiquam placeat experimentum, ille saltem speculo vel stanno polito admoveat digitum & brevi maculam, ab aurâ insensibiliter transpirante ipsi afflatam, observabit.

THESIS

THESIS VIII.

Posterioris generis sunt, quæ à nutritione residuæ per vasa lymphatica sub humorum circulantium nomine per vigorem spirituum animalium denuò versus cor reveruntur, ibidemque sanguini associantur ac cum eo rarefiunt, hinc videmus minorem proportionem succi nutritii abire in nutrimentum & corpus nostrum indefinenter obnoxium esse alterationi & corruptioni, nati enim desivimus esse.

THESIS IX.

EX hætenus dictis facile deduci potest, quid fiat, quare in annis juvenilibus floridè adolescamus & plenius nutriamur, quàm in ætate decrepida & ad tabidam senectutem declinante; rursus, cur nunc pinguescant multi, nunc verò etiam si genio abblandiantur marcescant. Resp. evenire hoc, dum fibræ partes solidas componentes in tenerâ ætate molliores ac magis plumæ sunt, & distensionem facile admittendo majora formant interstitia atque tubulos ampliores, ut plus nutrientis lactis & chyli affluat & filamentis adhærescat, quam de iis perdat & expiret, quò ipso perennetur tam nutritio quam augmentatio; pinguescimus verò si musculorum aliarumque partium tubulos repleant particulæ pingues, molles, ramosæ & oleosæ, quæ à materia subtili languidiùs impulsæ diuturniorem moram ibidem necunt copiosius fibris agglomerantur & pinguedinem constituunt.

THESIS X.

QUod si temporis successu pori propter fibrarum duritiem angustiam quandam contrahant, earumque superficies atteretur, ac ita mutetur, ut non amplius respondeat dispositioni ac configurationi partium succi nutritii, cessat tunc commoda ejusdem distributio & adhesio, dum ratione duritiei & inflexibilitatis fibrarum & mutatam superficiem adhærescere, nec ob pororum angustiam partibus nutriendis communicari & assimilari nequit, hinc macies & senectus lento gradu nos deprehendit.

THESIS XI.

QUid de vulgata illa Medicorum opinione, qui sanguinem sub forma sanguinis nutrientem defendunt nunc sit judicandum, luculenter ob oculos poni potest, siquidem abundè constat, sanguinem tanquam humorem maximè heterogeneum ex acidis, salis, amaris, insipidis, aliisque sexcentis particulis conflatum, secundùm singulas hasce partes neutiquam nutrire posse, tantum enim abest, ut acriores & salinæ nutritionis beneficio partes nutriendas afficere possint, quin potius eidem valdè adversentur & nutrimento privent, uti demonstratur in Thesi XVIII. & profectò longè alia subest ratio, cur in sanguine tot tantæque coeant particulae, ut videlicet iter ejus circulare nec non vitalis fermentatio perennetur.

THESIS XII.

Quinimò si sanguis sub formâ sanguinis nutrirer, præ aliis pinguescerent partes sic dictæ sanguineæ & pulmones præprimis, utpote sanguine semper ebrii, brevi in immensum augerentur, quod tamen fieri nunquam observatur: Cæterum exponat mihi quispiam ex antiquitatis cultoribus, qui fiat ut sanguis salvâ existente fermentatione vitali ac motu arterias egrediatur ac extravasetur, (quod tamen erat necessarium, si nutriat) ac à venis absorbeatur, cordique rursus infundatur, cum tamen sole meridianò clarius sit, sanguinem semel extravasatum omni exui activitate & avolantibus partibus balsamicis abire in grumos, quos rectius venenum quam nutrimentum dixeris. Denique à parte nostra velut testes adhuc stant chyrurgi utpote qui vulneris sanationem nunquam ex cruore sed potius liquore chyloso è vulneribus emanante prædicunt. Adsunt plures rationes & experimenta, quæ brevitatis studio lubens prætereo.

THESIS XIII.

Atque hæc de succo nutritio naturaliter disposito dicta sufficiant, delibandus nunc est breviter ejusdem status præternaturalis, quem sub triplici larva in scenam introduco: Læditur enim nutritio 1. quando immiuitur & deficit, ut in atrophia, phthisi, hectica, scorbuto &c. 2. cum augetur nimis, ut in obesitas & corpulentis.

pulentis. 3. quando depravatur, ut in Cachexia, leucophlegmatia, hydrope &c.

THESIS XIV.

Qualis cibus, talis chylus, qualis chylus, talis sanguis, qualis sanguis, talia viscerum sunt fermenta, tale partium nutriendarum alimentum: talis sanitas: quotiescunq; igitur chylus in ventriculo ad convenientem pneumatosis non exaltatur, & in sinu adhuc foveat multas particulas viscidas, glutinosas, acidas, salvas, verbô crudas, quæ sanguini immixtæ eundem discrasiam statim inquinant, ita ut inducat intemperiem modo acrem & salvam, pituitosam, modo etiam pro largiendo laudabili succu nutritio prorsus ineptam atrophiam, & nutritionis defectum causantem, sic vitium in prima coctione commissum nunquam corrigitur vel in secunda vel tertia.

THESIS XV.

Hinc provenit, quod infantes emacientur dum lac in tenellis illorum ventriculis subinde commutatur in mucum acidum & erudum, qui vasa lactea & Mesenterii glandulas glutine suo infarciens, omnem nutrimento transitum ad cor denegat, aut si adhuc pars ejus sub deformi tali facie eo pergat, exinde tamen obstruentur partium nutriendarum tubuli, ita ut succus nutritius partes solidas circumire nesciat & tenera hæc ætas tabe pereat.

THESIS

THESIS XVI.

SCorbuticorum & hecticorum sanguis maximam subinde acrimoniam contrahit, dum è ventriculo veluti è minera quadam affluit chylus acris, salsus & corruptus, sanguinem ita distemperantem, ut nutrimentum potius consumatur, quam restituatur: Non raro tamen ventriculus extra culpam est, utpote qui, quamvis cibos in convenientem chylū redigat, hic tamen ad cor devenire nequit dum post erosiones & exulcerationes tunicæ intestinales callosam quandam duritiem contrahant, vasorum lacteorum orificia occludens, hinc illi, qui è graviore dysenteria evaserunt, ut plurimum lentā tabe & atrophia, cum fluxu alvi chyloso, dies vitæ consumunt, sic enim denegato chylo transitu ad cor, partes sanguinis balsamicæ deperduntur & acrimonia salina intenditur.

THESIS XVII.

HAurit tamen sanguis etiam aliis ex fontibus succum nutritium depauperantem acrimoniam ex ulceribus videlicet præprimis pulmonum, quos exulceratos & purulentos quando transit, semper portionem puris acrioris imbibit, donec acredo in eo ita augeatur, ut omni virtute nutriente spoliatus efficiat, ut fidissimus Phthisicorum comes sit tabes & atrophia.

THESIS XVIII.

Deficit itaque nutritio, carnosaque corporis substantia consumitur propter sanguinis & humorum intemperiem acrem & vim rodentem, ita ut loco partium lactearum in tubulos egrediantur acres, salinae, rigidae & scindentes, quae non modo ob rigiditatem non nutriunt nec fibris adhærent, verum etiam partes perfodiendo corroduunt, nutrimentum à fibrarum superficie abradunt & secum vel per insensibilem transpirationem abripiunt, vel ad sanguinem reducunt, tamdiu donec cutis vix ossibus hæreat & labatur exiguo, quod partum erat tempore longo. Vel nutritionis negocium languet, ubi ob sanguinis viscositatem obstructions parientem succi nutritii distributio impeditur. Hic nunc quilibet clarissimè perspicit, nullum nectar corporibus emaciatis tanto esse solatio, quàm candidum lac humorem nutrientem in corpore consumptum laudabili restituens successu.

THESIS XIX.

Augetur & statutos terminos transgreditur nutritio in corpulentis & obesis, quorum videlicet viscera integrâ gaudent constitutione, cibi & potus boni succi largiori manu ingeruntur præsentem mentem hilari & tranquilla, vita est sedentaria cum dulci quiete & otio, quæ enim partes in tali corpore prædominari magis possunt, quam

quàm molles, flexiles, & chylosæ, quæ sese partium nutrimentarum fibris copiosius agglomerantes atque in ipsis tubulis partium sibi invicem adhærescentes nutritionem & augmentationem ita adaugent, ut corpus nimis pingue & obesum existens sibi ipsi quasi oneri sit & molestiæ.

THESIS XX.

DEnique nutritio depravari solet in Cachexia & hydrope, qui affectus potissimum sese manifestant per faciei colorem ex pallore livescentem, verum equidem est cutis colorem humoris sub eâ delitescentis esse æmulum, hinc roseâ & purpureâ multi incedunt facie, quorum sanguis Cacochymiâ non ita infectus à corde torrentis instar purpure suo amictus ad quascumque corporis regiones ablegatus, angustissimæque vasa, eaque quæ cuti vicinia sunt & capillaria vocantur, liberò pede transit, quo ipso etiam succon nutritio nacto à spiritibus animalibus vigore per tubulos partium solidarum & cutis trajicienti nullus interponitur obex, quod tamen longe aliter in modò dictis procedit morbis, ubi rursus contracto errore & cruditate in primis viis chylus crudam, aquosam, viscidam & terrestrem intemperiem

san-

sanguini conciliat, & quasi vappescentem reddit, ut loco partium chylosarum in nutrimentum abeant aquosæ & crassæ, tales reverà, quæ ad circulandum ineptæ restagnant sub cute & quidem eò facilius, cum ex tali sanguine pauciores generentur spiritus, frustratur etiam eorundem influxus & debito vigore tunc carentes, in pororum interstitiis coërciti vappescunt & habitus corporis inducitur cadaverosus tantâ contumaciâ inhærens donec vitæ imponatur F I N I S.



SUPPLEMENTA.

I.

Ventriculus non chylicat.

II.

Coctio non fit per elixationem sed fermentationem.

III.

Fermentum ex sanguinis arteriosi particulis valdè activis acido-salinis, cibi reliquiis ipsâque salivâ componitur.

IV.

Pylorus non est digestionis moderator.